

Resolución do 2 de abril de 2007, da Dirección Xeral de Relacións Laborais, pola que se dispón o rexistro, o depósito e a publicación, no Diario Oficial de Galicia, do acordo na mediación do AGA do convenio colectivo de ámbito autonómico de Galicia para o sector de aparcadoiros, zona azul e garaxes de vehículos.

Visto o texto do acordo acadado o 21 de marzo de 2007, na mediación realizada ao abeiro do establecido no Acordo Interprofesional Galego sobre Solución Extraxudicial de Conflitos Colectivos de Traballo (AGA), respecto do convenio colectivo do sector de aparcadoiros, zona azul e garaxes de vehículos da Comunidade Autónoma de Galicia, e de conformidade co disposto no artigo 90.2º e 3º do Real decreto lexislativo 1/1995, do 24 de marzo, polo que se aproba o texto refundido da Lei do Estatuto dos traballadores, no Real decreto 1040/1981, do 22 de maio, sobre rexistro e depósito de convenios colectivos de traballo, e no artigo 17 a) do Acordo Interprofesional Galego sobre Procedementos Extraxudiciais de Solución de Conflitos de Traballo (AGA).

A Dirección Xeral de Relacións Laborais,

ACORDA:

Primeiro.-Ordenar a inscrición do devandito acordo no rexistro xeral de convenios desta dirección xeral.

Segundo.-Remitir o texto orixinal ao correspondente servizo deste centro directivo.

Terceiro.- Dispoñer a súa publicación no *Diario Oficial de Galicia*.

Santiago de Compostela, 2 de abril de 2007.

Pilar Cancela Rodríguez
Directora xeral de Relacións Laborais

ANEXO

Xuntanza da comisión negociadora do convenio colectivo autonómico de aparcadoiro, garaxes e zona azul de Galicia

Mediador: Carlos Domenech de Aspe.

Parte empresarial:

Javier Alcalde López.

Lourdes López Aguilar.

Francisco Taboada García.

Parte sindical:

Xesús Pastoriza Santamarina (CIG).

Pedro Beade Roel (SN de CCOO de Galicia).

Demetrio Chorén Vázquez (UGT-Galicia).

José Francisco Fernández Padín (CGT).

En Santiago de Compostela, sendo as 12.00 horas do día 21 de marzo de 2007, reúnen as persoas arriba relacionadas, por convocatoria do Consello Galego de Relacións Laborais, como consecuencia do estancamento das negociacións e da convocatoria de folga.

Tras as oportunas propostas das partes reunidas, chegan aos seguintes acordos:

1º Vixencia: 4 anos (2006-2009).

2º Incremento salarial:

-Ano 2006: IPC real do ano 2006 máis o 0,5%, segundo as táboas acordadas previamente.

-Ano 2007:

20 euros en salario base, en quince pagas.

37 euros en complemento convenio, en quince pagas.

2 euros en complemento transporte, en once pagas.

-Ano 2008:

20 euros en salario base, en quince pagas.

17 euros en complemento convenio, en quince pagas.

2 euros en complemento transporte, en once pagas.

-Ano 2009:

20 euros en salario base, en quince pagas.

17 euros en complemento convenio, en quince pagas.

2 euros en complemento transporte, en once pagas.

Todos estes incrementos son lineais.

3º Xornada: para aparcadoiros e garaxes manterase a xornada actual do convenio galego en vigor.

Para a ORA observárase a xornada en vigor no convenio estatal da ORA.

4º Antigüidade: para o sector de aparcadoiros e garaxes observárase o que estipula o 4º convenio estatal de aparcadoiros e garaxes, pero ampliando o período de carencia ata o 31 de decembro de 2007.

Para o sector da ORA observárase o que indique o convenio estatal da ORA en vigor.

5º Pola parte sindical procédese a desconvocar a folga prevista para os días 23, 26 e 30 de marzo de 2007.

6º Estes acordos terán carácter de preacordo e adquirirán firmeza unha vez ratificados polas asembleas dos traballadores do sector.

E para que así conste, asinan esta acta, sendo as 14.00 horas do día da data.

ESCOLA GALEGA DE ADMINISTRACIÓN PÚBLICA

Resolución de 26 de abril de 2007 pola cal se anuncian os actos conmemorativos do Día das Letras Galegas.

En execución do Plan de actividades da Escola Galega de Administración Pública (EGAP) para o ano 2007, a EGAP anuncia a realización dos actos en conmemoración do Día das Letras Galegas conforme as seguintes bases:

1. Obxectivos.

A Real Academia Galega (RAG) dedícalle o Día das Letras Galegas de 2007 a María Mariño. Por este motivo a EGAP, como institución pública galega, súmase á homenaxe desta galega insigne e aos actos conmemorativos que con motivo da celebración do

Día das Letras Galegas 2007 programou a RAG, organizando unha viaxe de interese cultural polo Courel, escenario en que se desenvolveu boa parte da vida de María Mariño e que condicionou a súa obra poética.

2. Destinatarios.

Na viaxe cultural poderá participar o persoal ao servizo de calquera das administracións públicas de Galicia (ata 50 prazas). No caso de se presentaren máis solicitudes que prazas, terá preferencia o persoal da Xunta de Galicia.

Para a selección dos participantes nesta viaxe cultural terase en conta a data de entrada da solicitude no rexistro xeral da EGAP ou a data do fax, sempre de acordo coa preferencia sinalada no parágrafo anterior.

3. Desenvolvemento da viaxe cultural.

Data: 17 de maio de 2007.

O programa da viaxe desenvolverase do seguinte xeito:

-Saída da Coruña ás 8.00 horas (Obelisco).

-Saída de Santiago de Compostela ás 9.00 horas (EGAP).

-Visita ao Cebreiro: significación, historia, arte e mitos en relación co Graal e o milagre eucarístico.

-Visita ao Courel, a Pacios e á mina da Toca ata chegar a Seoane.

-Asistencia aos actos organizados pola RAG:

-11.30 horas: ofrenda floral e recital poético no cemiterio de Seoane.

-12.00 horas: sesión plenaria extraordinaria e pública da RAG na antiga escola de Seoane, coa intervención dos académicos:

-Darío Xohán Cabana Yanes.

-Rosario Álvarez Blanco.

-Xosé Luís Méndez Ferrín.

-Peche do acto polo presidente da RAG, Xosé Ramón Barreiro Fernández.

-Xantar enxebre en Folgoso do Courel.

-Visita a Parada do Courel e o seu soto, tan relacionado con Uxío Novoneyra e María Mariño.

-Visita ao Castro de Sobredo e á aldea de Seceda.

-Retorno por Quiroga e Sarria.

-Chegada a Santiago de Compostela sobre as 22.30 horas.

A visita será guiada polo historiador de arte e arqueólogo Felipe-Senén López Gómez.

4. Inscripción.

As solicitudes, segundo o modelo oficial que figura ao final desta convocatoria, irán dirixidas ao director da EGAP; rúa Madrid, 2-4, 15707 Santiago de Compostela; presentaranse no rexistro xeral da EGAP ou por calquera das formas previstas no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común. Admitiranse tamén inscricións por fax ao número 981 54 63 30.

As solicitudes deberán entrar no rexistro da EGAP antes das 10.00 horas do día 14 de maio.

5. Publicación e notificación da selección.

A confirmación da súa selección poderase ter chamando por teléfono á EGAP, aos números 981 54 62 47/981 54 62 49, ou ben consultando a lista de persoas seleccionadas, que se exporá no taboleiro de anuncios deste centro e no seu portal web.

Santiago de Compostela, 26 de abril de 2007.

Antonio Izquierdo Escribano
Director da Escola Galega de Administración
Pública

FOLLA DE INSCRIPCIÓN

1. SOLICITANTE	
Apelidos	Nome
DNI	

2. DATOS PROFESIONAIS			
Posto de traballo	Corpo ou escala	Nivel	
Entidade na que presta servizos			
Enderezo do posto de traballo	Localidade	Provincia	CP
Teléfono	Fax	Enderezo electrónico	

3. DATOS PARA OS EFECTOS DE NOTIFICACIÓN	
Enderezo electrónico	Teléfono móbil

4. ACTIVIDADE SOLICITADA	SOLICITA:
☐ Participar na viaxe cultural o día 17 de maio.	
Sinatura _____ de _____ de 2007.	